

بر نسخمی ۱ غروشدہ در .

بر نسخمی ۱ غروشدہ در .

مجموعہ منتخب

مرکزی ابو السعود جادہ سندہ ۱۸ نومرولو دکاندہ .
کوندربہ جگ اوراقی معل نامنہ اوریہ کوندربہ دیر .
پوسنہ اجرنی ویرنامش مکاتیب قبول اولتاز .

استانبول ایچون آیونہ یازماز - یوناز ایچی داخل اولدیغی
حالدہ خارج ایچون بر سنهک آیونہ بدلی - پوسنہ
اجرنیہ برار - یاریم عثمانی لیراسیدر .

فی ۲۱ شعبان سنہ ۱۳۰۵

(معارف نظارتک رخصتیلہ ہفتہ در دفعہ نشر اولور) فی ۲۰ نisan سنہ ۱۳۰۳

مستفیض

« ابو منصور نعالی » نک « برد الاکیاد - فی الاعداد » عنوانی
کتابندن :

— ۱۸۷ —

« غبطہ اولتہ جق ایکی نعمت وارددر : صحت ، فراغ .
« حدیث شریف »

— ۱۸۸ —

« طوبیق ندر نئز ایکی حریص وارددر : طالب علم ، طالب
مال .

« کذا »

— ۱۸۹ —

« ایکی خصلت وارددرکہ مؤمنده اجتماع ائمز : بخل ، سوء
خلاق .

« کذا »

— ۱۹۰ —

« اختیارک قلی ایکی شیدہ کئیدر : حب مالده ، حب حیادہ .
« کذا »

— لاحقہ —

جناب جعفر طیارک (حبشہ) دن وعدتی (خیر) ک فحشہ
تصادف ائمش ایدی . نبی بلاغتہانہ اقدمن مشار الیہی کورنجہ
تسلطہ سیوردیارک :

« فتح خیرالہمی ، یوقہ قدوم جعفرالہمی سونہم نیلم ! » [*]
بولطف سوز بین البغا ، بروقتہ ایکی سبب مسرتک اجتماع
عندہ ضرب اولتور مثل اولمشدر . (انہی)

— ۱۹۱ —

(سعید بن المسیب) دن بعض اصدقاوی مختصر بر وصیت
جامعہ طلب ایتدیلر . دیدی کہ :

« عار دنیادن ، نار عقبادن فسکری وقایہ ایدکر .

— ۱۹۲ —

« یالان ، ایکی شیدہ مذموم دکادر : دفع شر ظلمده ، اصلاح
ذات الیندہ . » [**]

« جعفر صادق — رضی اللہ عنہ »

[*] « مادر ی باہما اسر بفتح خیر ام بقدم جعفر . »

[**] دیگر بر ذات بو ایکی شیئی (حرب — صلح) اولوق اوزرہ
کوسترمشدر .

— ۱۹۳ —

« ایکی سوز وارددرکہ یک طوغریدر : حریص محرومدر .
« حاسد مغمومدر . »

« مالک بن انس — رحہ اللہ »

— ۱۹۴ —

« علامت نبالت ایدکدر : غضب حالندہ حلم ، قدرت زمانندہ
عفو . »

« نوشیروان »

— ۱۹۵ —

(منصور عباسی) بعض اولادینہ دیر ایدی کہ :
« سزہ شو ایکی نصیحتی ویریم : دوشوندن سوز سونلیکر .
تدبیرسز ایش کورمیکر . »

— ۱۹۶ —

« غنیمت موتخی ، یوقہ فقیرک حیاتی دہا مہارتلیدر بیلمم !
« ابن المعتز »

— ۱۹۷ —

« عاقل ایکی شیدین توقی ایدر : مکر اعدادن ، حسد
اصدقادن ! »

« ابن ابی الحواری »

— ۱۹۸ —

« امور دنیاک الک مشکلی ایدکدر : دشمن ایلہ محاربه ، دکرہ
رکوب . ایکسی مجتمع اولورسہ آرتق دوشون ! »
« ابو الفرج البیغاء »

— ۱۹۹ —

« امور دنیا ایکی شی ایلہ دوز : قلمک رقیقلہ ، سیفک
شدتیلہ . »

« ابو الفتح البسی »

— ۲۰۰ —

« طب ایکی شیدن عبارتدر : حفظ الصحو ، مرتبہ العاہ .
« محمد بن زکریا »

— ۲۰۱ —

« مالی حفظ ایدن الک عزیز اولان ایکی شیئی حفظ ائمش
اولور : دینی ، عرضی . »

« جاحظ »

« نهج البلاغه » دن : [۱]

— ۲۰۲ —

« کرمک صولتندن، آج قالدینی زمان — نیک صولتندن ایسه قارنی طویدینی زمان صاقلیدر. »

— ۲۰۳ —

« زکینلک غربتی وطن، فقیرلک ایسه وطنی غربت حاته قور. »

— ۲۰۴ —

« جاهل افراطدن، قریطدن خالی قالمز. »

— ۲۰۵ —

حضرت امام « خوارج » دن برینک تمجیده مشغول اولدینی ایشیدنی بیوردی که : « یقین ایله او یومق شک ایله نماز قیلندن اولادر. »

— ۲۰۶ —

الک زیاده سودیکی ذواندن اولوب « صفین » ده کندیسيله برلکده بولنقش اولان فخر المجاهدین « سهل بن حنیف الانصاری » — کوفیه عودتلرند — ارتحال ایدنجی اظهار حزن ایله « بنی برطاغده سوسه دوریلیر ! » بیوردی.

— ۲۰۷ —

« عقل کی مال، حسن خلق کی قرین، ادب کی میراث، توفیق کی رهبر، علم کی شرف بولماز. »

— ۲۰۸ —

« انسانه نیکیتده، غیبتده، رحلتده رعایت ایچین، اصدقاسندن عد اولنمه‌ماز. »

— ۲۰۹ —

« نیجه صائم واردر که صومی صوسزاق چکمکدن عبارتدر. نیجه قائم واردر که قیامی اوقوسز قالمقندن عبارتدر. عارفلرک نوم و افطاری نه کوزلدر ! »

— ۲۱۰ —

برکون « کبیل بن زیاد الخنی » نک الندن طوتهرق بیوردی که : « یا کبیل ! علم مالدن خیرلدر. مالی سن حفظ ایدرسین، علم ایسه سنی حفظ ایدر. »

— ۲۱۱ —

« طمع اسارت دانهدر. »

— ۲۱۲ —

« بیابرکن صوصقه — بیزکن سونلک کی — خیر یوقدر. »

— ۲۱۳ —

خوارچک « لا حکم الا لله ! » دیمکده اولدقلرنی ایشیدنجی « برحق سوزدر که آنکه باطل اراده اولیور ! » بیوردی.

[۱] معروف اولدینی اوزره « نهج البلاغه » مشهور « سید مرتضی » نک کلمات جلیله حیدریه‌بی حاوی برکتایدیر.

— ۲۱۴ —

« هر محفظه، ایچنه مواد قوندجیه طارالیر. محفظه علم ایسه بالعکس توسع ایدر. » [۲]

— ۲۱۵ —

« عاقل کیدر ؟ » سؤاله « هر شیئی موضعنه وضع ایدن. » جوانی ویردی. « جاهل کیدر ؟ » دیدیلر. « سوبلدم ! » بیوردی.

— ۲۱۶ —

— نمونه انتخاب —

— ۱۵ —

سنبلزاده وهی (مرعش) لک مدار افتخاری اولان (سنبلزاده) خاندانی افاضلندن رشید اقدینک اوغلیدر.

مرعش علماسندن تحصیل معارف ایتدکن سکره استانبوله کلرکد طریق قضایه کیرمش ایسه‌ده خلاف مأمول قیض ایده. مدیکندن سلطان مصطفای ثالث دورنده بعض ارباب تقدیرک معاوتیه طریق خواجگانی داخل اولمشر.

مؤخرآ — آثارنده انسانی اوصاندره‌جق درجده یادینی

تکرار ایلدیکی — ایران سفارسته تعیین ایدلمش ایدی.

بومأموریتک « بوسته تاتاری قیافتنده خفایا اسکداره ورود »

بلیه مشهوره‌سنه منجر اولدینی کورنجه خواجگانانی ترک ایله

ینه اولکی مسلکته سلوک ایتمشر. (لطیفه) ده ایسات آیه ایله

بورالرنی ایما ایدر :

(اوله تبدیل طریقه سائل)

(مهنت یوقدر اولورسین سائل)

(باشمه کلدی پشیمان اولدم)

(چوق زمان زار و پریشان اولدم)

(کورمدم حاصلی بر کون راحت)

(قهقری ایلمنیجه رجعت)

کندیسی بوبلییدن، مشهور (طنامه) قصیده‌سی قورتارمشر.

اعلام فضلالدن ایکن شعر ایله اولدینی قدر فسق ایله‌ده

مشتر ایدی. بوحال کندیسنک هجویله اشتغال ایدن (سروری)

ایچون سرمایه مقال اولور طورردی.

سنی طقسائی مجاوز اولدینی حالد (۱۲۲۴) ده ارتحال ایدنجی

سروری آیدیه‌کی تاریخاری سونلشدر :

(کتیدی شیخ الشعرا وهی صاحب آثار)

(بوالهوس بیر جوان طبع ایدی فوق العاده)

(لاله وقتنده وفات ایتدی دیم تاریخین)

(کلشن جنتی ماوی قیله سنبلزاده)

[۲] « محفظه علم » عقلمدن کنایه‌در.